



KOMUNIKADU IMPRENSA

Semináriu Nasionál Ho Tema “Relembra Luta Rezisténsia no Valoriza Fórza Juventude Timor-Leste iha Prosesu Luta Ba Ukun Rasik-an”.

Dili – (11 Novembru 2025), Centro Nacional Chega!!P organiza semináriu nasional ho tema “Relembra Luta Rezisténsia no Valoriza Fórza Juventude Timor-Leste iha Prosesu Luta Ba Ukun Rasik-an”. Semináriu ne’e hala’o iha âmbito Komemorasaun Masakre Santa Kruz ba dala-34 no Selebrasaun Loron Nasionál Juventude ba dala-20, ne’ebé realiza iha Salaun Konferensia Centro Chega!!P, Antigo Comarca Balide.

Objetivu prinsipal hosi semináriu ne’e mak, atu fó ónra ba juventude sira ne’ebé sakrifika-an ba mate iha akontesimentu Masakre Santa Kruz 12 Novembru 1991 tanba defende direitu povu nian ba liberdade no dignidade estadu Timor Leste nian. Hadia no hafórza memória kolektiva, ajuda jersaun foun sira atu aprende hosi istória rezisténsia no evita trajedia hanesan ne’e repete hikas iha futuro. Valoriza papél juventude iha luta rezisténsia, hatudu korajen, solidariedade no determinasaun, enfrenta opresaun. Continua rekorda no inspira juventude atual atu continua kontribui ba dezvoltamentu nasaun.

Atu promove edukasaun kona-ba direitos humanos ba akontesimentu Santa Kruz hatudu konsekuensia violénsia no violasaun direitos humanos. Komemorasaun ne’e sai plataforma edukativu atu refórza valor paz, justisa no rekonsiliaun. Mantein unidade nasional no identidade Timor-Leste. Nu’udar lembransa kolektiva kona-ba sakrifísiu juventude atu ajuda refórza unidade povu nian no hadia konsiensia nasional kona-ba istória luta ba liberdade Timor Leste nian.

Semináriu nasional ne’e mos sai nu’udar parte ida importante atu aumenta konsiensia juventude kona-ba istória rezisténsia Timor-Leste no sai plataforma diskusaun kona-ba papél juventude iha prezervasaun memória kolektiva. No estimula partisipasaun juventude iha promosaun direitos humanos no valor paz.

Semináriu nasional ne’e halo bazeia ba Relatóriu Komisaun Acolhimentu, Verdade no Reconciliaun (CAVR) nian katak, iha loron 12 de Novembru 1991 akontesimentu masakre grave iha Simiteriu Santa Kruz, Dili, ne’ebé rezultadu hosi manifestasaun pasífiku organizadu hosi fóin sa’e no juventude Timor oan atu husu justisa ba asesinatu Sebastião Gomes no hodi husu apoio ba independénsia Timor-Leste nian. Manifestasaun ne’e responde ho violénsia brutal hosi fórza militar Indonézia nian, ne’ebé mate kuaze ema 250 (Atus Rua Lima Nulu) no fóinsa’e barak mak mate, balun hetan tortura hafóin akontesimentu trajedia ne’e.

Iha relatóriu CAVR nian identifika katak, Masakre Santa Kruz hanesan pontu nakfilak "turning point" iha luta rezisténsia Timor-Leste tanba imajen no evidensia masakre ne’e espalla iha mundu tomak, hodi muda persepsaun internasionál kona-ba situasaun iha Timor-Leste. Loron ne’e mak iha signifikadu boot ba povu Timor nian la’ós de’it atu lembra trajedia, maibé mos atu fó óndra ba sakrifísiu juventude ne’ebé fó-an hodi defende direitu povu nian.

Ba infórmasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória passadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi refórta rede servisu sira ba implementasaun rekomendasaun sira hosi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".